

演
山
集

新

山

集

詳校官庶吉士臣吳烜

侍讀臣孫球覆勘

覆校官中書臣王慶長

校對官主簿臣汪日贊

謄錄監生臣唐作梅

欽定四庫全書

演山集卷二

宋黃裳撰

古詩

謝人惠茶器并茶

三事文華出何處巖上含章插煙霧曾被西風吹異香

飄落人寰月中度

巖桂秋開有異香木理成文如相思木然

美材見棄安所

施六角靈犀用相副目下發絨誰致勤愛竹山翁傍雲

住遞命長鬚烹且煎一簇蠅聲急須吐每思北苑滑與

甘嘗厭鄉人寄來苦試君所惠良可稱往往曾沾石坑
雨不畏七椀鳴饑腸但覺清多却炎暑幾時對話愛竹
軒更引毫甌斲詩句

陪會稽太守遊鑑湖會于禹祠之下

一鑑沈沈含萬象千巖競秀還相向季真夢斷歸去來
數頃寒光對夷曠管絃公外與民同秘閣先生千騎長
從公于邁巷無人畫船解纜爭先放去探禹穴升稽山
語笑相逢洞天上玉帛紛紛何處尋謾對遺陵起悽愴

越王羞辱微之歡山水依然人獨往先生揖我歌金卮
吾道本來無得喪日月如飛奚用勞醉舞言歸勿令蕩
湘靈不見湘江閒回首斜陽落秦望

送滿龍圖守奉化

臺省兩稱公

公曾任侍御史
右司郎中故云

郡國三換節

公守廣德
鄴郡奉化

海

角承重寄螭頭懷遠別俯仰七遷迅覺夢一炊熟先生
自怡怡浮世誰懃懃暴霖駕西洛華驢指東浙香徑摧
芰荷豐厨拾魚鼈窺影入賀鑑訪古探禹穴未暇登四

明方思白華潔使車貽親榮閩山迺後轍豈須老萊衣
始能事耆耄往往回首時千巖看堆雪行觀真卿書德

政滿青碣

顏真卿書唐刺史王密德政碑

次舒堯文秋夜有感之韻

自越趨儒林由吳兩江渡四年如退之踈慵傲名數西
風今又來庭柯泣珠露榮枯幾番新閒日常自度誓為
天漢遊搗藥看玉兔逆行非吾心焉用憂日暮典籍猶
可捐寧雕子雲賦萬事歸自然所得先去故灑落桐廬

君高源欲東赴外物非所謀此學良足據但以中致虛
元氣腹當飫壯懷感暮秋羣動還太素宋玉悲何為忘
失聊適屢

送劉和甫之江東

去年相逢時霜華輕壓梅花枝今年相別日蘋末秋風
慘行色逢時易為樂別時易為傷誰知傷與樂各是羈
旅腸送者難為留離者難為行誰知離與合各是天涯
人離合有分不可料彼此有適當忘情君今此去何時

來韋編頻向燈前開讀書患在少思索時將寸管書清
才君今此去何時到風力攻帆急如火秋光照人益瀟
洒一葉輕舟又東下松陵鱸膾是時節無惜霜風傍船
切泛入東南第一州八月仙濤駕天白江頭此景須吟
看少留軒旆開朱顏徐徐踰江詣所舍心閒應愛雲中
山用其所樂以自遣莫教鄉思為心關他時握手又西
上多在後歲秋風間

疇子明冬後出思正夏日見招之什

大學間官閉門坐清墨磨丹滿文藁霜風門外潮頭過

馬首長關欲吹倒雙眸厭為塵沙昏出外遽止從予好

不復見君今幾時相憶還驚歲華老恨得新詩何太晚

瓜李為期間夢斷思正詩有沈李浮瓜之句餘酒喜見忘機翁聲色

嘗與心相同思正不事機數語笑開懷與人為忘形交小沼荷花未云昨君

來且負爐中紅思正云高標遠韻果何處宜在小沼浮荷花東隣交友亦愛

客烹鮮盤饌工于儂青蝸烏鰂欠此可蟹蛤已有吳間

風思正云吳家風情所中勞生多故豈足念莫不有分

欲但欠烏鰂并蝦蟆

勞冲冲

思正云勞生多故今老矣覽照飄然雙鬢華

有錢取醉亦足矣滿腹

以外吾何容漫漫雪意稍含蓄瑶池將見涵春空兩騎

翩翩踏瓊玖州北主人相望久

思正云歸來聯騎踏明月南去眇然神思遐

解顏一笑如君難區區論報非吾友

論報盖虧思正所喻

疇程忠彥見贈

與子邂逅春闈中子未及壯文何雄淡書名姓青雲旁

天風吹我襟懷香巨源耻作尋常流洪濤忽駕西江秋

剽竊襲蹈非子情伯樂一睨人皆驚乃更退托多楚狂

謂我有感潭中央腰間躍去為龍藏斗牛下接亭亭光
嘗言文章氣所寓養氣未及柔與剛烏能發露與劍比
而不與我非其長紅塵丹漢不足較儻來勿使心常忙
安得小艇劍溪上與子邂逅飛雙槳滿溪烟雨蘆花春
漁人一曲聲無塵夜明潭上人初靜神明欲腥姦與佞
寶氣深盤盤不得直上羣陰俱失色此時與子同行藏
倚樓人往空斜陽

送延平太守

南有溪山誰可托，須擁旌麾日邊落。無政人向溪山愁，
公徒追索情如酬。有政人向溪山醉，鼓吹尋幽鬧如市。
七閩山水世所議，尤喜延平得高致。山光水色秋意清，
月華劍氣空體明。雙流既往却再顧，五龍雖奮還相迎。
溪南水東山皆有，虧龍狀趨劍潭中。一山郡衙所據，
雙溪相合而南注。至合水尾，回顧而復往。斷雲天
北列，寸碧中有仙人騎鶴行。仙人巖前萬人聚，金碧下

瞰天津橫。霽色還空影，高下蓬萊幻。化俄頃，生太原使
君未下車。公論已許程與吳。

兵部郎中程博文廣東運判吳荀祖代于延平以能

政取
要官

獨遊才及安能拘發遣萬事歸元無洗眼待看鄉
老書使君政事當起予年豐訟少民已蘓兩稅競了誰
無襦萬戶有酒錢足酤飄飄帘下吹笙竽山水圖中聲
色活大小從公四圍闊颯颯山風吹夕照想見頽然使
君笑南來莫使詩筒少慰我塵勞空擾擾

夏雲

數疊奇峯插空碧舒卷光陰度紅日莫道無心空自閒
天地為爐果何恤願移炎赫歸至冥請開蒸鬱還太清

從龍以往蕩妖氣
蠱賊欲滋今自坑
晚來載雨落何處
一片俄從北偏舉
區區此意焉用留
能作幾家軒上秋

矮松

枝幹偃蹇竒可誇
本根融結杳難測
龍蛇已抱千載靈
梁棟何煩萬牛力
雖減半天風雨聲
却得三冬雪霜色
衛生已免斧斤人
糴景何辭吟醉客

不流軒

大道果安在無流
亦無止有流落色
界無流在空體用

向體中存見否瞪而視空色兩相忘有無還自爾月明
孕澄寂山寒卧清泚一葉天際來歌聲聳吾耳

春霽

動潤畢化事清暘却陰翳披雲出寸碧銀色爛盈地芳
徑導衆樂頑凍展羣翠雨霽春且老良時固難計好景
歸新詩清樽接佳士韶光宜夕陽醉笑莫輕起

送郭公域

官冷猶能願隣好側聽歌聲亦關抱朝曦未合敗頑凍